

19. juli 2021

Inatsisartut suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Namminersorlutik Oqartussat Kommuneqarfik Sermersuullu inissiat attartortittakkat pillugit aaqqiagiinngissuteqarnerannut suliaq sumut killippa?
2. Misissuineq sulii ingerlasimappat Naalakkersuisuniit unitsinneqarniarpa imaluunniit ingerlatiinnarneqarniarpa?
3. Naalakkersuisut isumaqarpat Namminersorlutik Oqartussat Kommuneqarfik Sermersuup inissianik attartortitsineranut suliamut akulerunnissaminnut inatsisitigut tunngavissaqartut?
4. Naalakkersuisoq sorleq suliaq taannapiaq pillugu akisussaasutut ingerlatsisorineqarpa?

(Inatsisartunut ilaasortaq Doris J. Jensen, Siumut)

Tunngavilersuut:

Ilisimaneqartutuut Namminersorlutik Oqartussat aammalu Kommuneqarfik Sermersuup akunneranni inissiat attartortittakkat pillugit aaqqiagiinngissuteqartoqarpoq. Suliarli piffissami sivitsulersumi paasisaqarfiginnginnatsigu killiffik pillugu apeqquteqaateqarpunga. Taamatuttaaq aamma paaserusunarmat Naalakkersuisoq kina/sorleq una suliaq pillugu ingerlatsiumaarnersoq.